

Te mahere ā-rohe o Māngere-Ōtāhuhu 2020

He aronga poto i tā mātou mahere



Mihi

Tuia te rangi e tuu iho nei,
Tuia te papa e takoto ake nei,
Tuia ki te waahi ngaro,
ki a raatou maa.
He kura ka tangihia, he maimai aroha.
Ka mihi ki te whare o Pootatau
me te ahurewa tapu o Te Kiingitanga.
Me whakahoonore hoki a Kiangi Tuuheitia,
pai maarire ki a ia me toona whare.
Mai i Te Riu o Waikato ki Te Taahuhutanga
o te Waka o Tainui ki Ngaa Hau Maangere.
Ka titiro atu ahau ki runga. He manu
e rere raa i te tihi o Te Pane a Mataoho.
Ka rere atu raa ki te raawhiti,
ka rangona te moana e tangi tiikapa ana.
Ka huri atu ki te uru ki Te Maanukanuka o Hoturoa
ko te kaahui tipua ka whakamihia.
Ka hoka te manu ki Te Ihu a Mataoho,
ki a Maungataketake.
Kia hiwa raa!
Ko Te Motu o Hiaroa ki tai,
Ko Te Puketaapapatanga a Hape ki uta.
Ka rere tonu ki Te Puukaki Tapu o Poutuukeka
e kiia raa ko ‘Ngaa Tapuwae o Mataoho’.
E tau ana!
He ara moo taatou – he kaupapa aa-rohe
hei arataki i ngaa mahi kei mua i a taatou katoa.
Ko te wawata, ka haere whakamua tonu,
kia tutuki ai ngaa whakaritenga katoa,
hei oranga moo te rohe me oona iwi.
Kia ea ai te koorero,
‘Te pai me te whai rawa o Taamaki’.

Kei tēnei puka te whakarāpopotohangā o te Mahere Poari ā-Rohe. Toro atu
ki te paetukutuku o Te Kaunihera o Tāmaki Makaurau,
www.aucklandcouncil.govt.nz mō te roanga ake o te mahere.

He kōrero nō te Heamana

Nōku te maringanui ki te whakatakoto i te Mahere o te Poari ā-Rohe o Māngere-Ōtāhuhu 2020. Tēnei te mihi i tō whakahoki kōrero mai, i whai wāhi atu ō whakaaro ki ngā whiringa kōrero i hua mai ai ngā whāinga me ngā rārangi kaupapa o te mahere mō ngā toru tau kei mua i te aroaro.

Nā ngā kōrero i whakahokia mai ai kua whai wāhi atu ngā wawata o tēnei hapori ki te mahere, he hapori e huri ana, he hapori e tipu ana. Kāore e kore kua rongo koe - i kaha whakahekeia ngā tahua pūtea e te MATE-KORONA nō reira ka arotakehia ētahi whakataunga.

Kua pau te kaha i te poari ki te whai māramatanga ki ngā whanaungatanga nunui ki te mana whenua, ngā mātāwaka, te iwi Māori, ngā rōpū whakapono, ngā ohu hapori, ngā pakihī ā-rohe. He wāhi nui tō ēnei whanaungatanga, ēnei rōpū, te Auckland Council Group, ki te whakamaheretanga me te whakatinanatanga o ngā kaupapa ā-rohe.

He nui ngā hapori Māori, ngā hapori o ngā iwi o Te Moana-nui-a-Kiwa, ngā hapori kanorau o Māngere-Ōtāhuhu, ā, e matua mōhio ana mātou, kāore e whai wāhi atu ētahi hapori ki ngā kaupapa o te kaunihera. Nā runga i tērā, e hiahia ana mātou ki te huri i te rautaki kotahi-te-kawenga-kaupapa-mō-te-katoa. Me whai wāhi atu ngā mahere whakakaha hapori, whakaora hapori, ki ngā whakataunga ā-rohe nunui. I ākona ērā āhuatanga i tēnei tau i ngā rā o te noho taratahi me te MATE-KORONA.

Ka nuku mai ana ngā whānau ki tō tātou rohe pōtae, ka hangaia ngā whare hōu, ā, he tino whakahirahira kia kore ai ērā herenga e momotu, e memeha haere ai. Ki a mātou, koia nei te huarahi ki te whakakaha i te hapori, ki te whakakipakipa i te ohaoha ā-rohe toitū whai muri i te MATE-KORONA.

Ko ngā whāinga matua: te whakakorikori i ngā whanaungatanga ki te iwi Māori me ngā rōpū kaupapa tuku iho o tēnei takiwā, ki te manaaki i ngā taonga me ngā kōrero tuku iho. Me pai ake ngā pūnaha hāereere kia tūhonotia ai tātou ki ngā whare, ngā whenua me ngā hanganga e poipoia ana i tō tātou hapori, e akiaki ana i te tangata ki te whakapau pūtea haumi ki tēnei rohe.

Ko ētahi o ngā mahi nui e kōkiritia ana ki te whakangāwari i ngā raru āhuarangi; te whakawhānui i ngā kāuru rākau, te tiaki i ngā arawai, te tautoko i ngā tāngata ki te noho waro-kore, te tautoko i ngā hapori me ngā pakihī ki te whakakore i te parataiao.

I tēnei mahare kua arotahi atu ki te whanaketanga o ō tātou tāngata: tamariki mā, rangatahi mā, koeke mā, hunga hauā mā. He pou o te hapori rātou.

Kua oti te mahere poari ā-rohe. Ka titiro whakamua au ki tā tātou mahi ngātahi ki te whakatinana i te mahere i ngā toru tau kei mua i te aroaro.



Lemauga Lydia Sosene
Heamana, Māngere-Ōtāhuhu Local Board

He whakarāpopotohangā o ngā kaupapa matua o te mahere

Whakaotinga tahi: He ohaoha ā-rohe māia, toitū hoki

Ka kaha ana, ka taurikura ana te ohaoha hapori i ngā wā taumaha, ka taka iho i ērā te piki oranga o te tangata.

Whakaotinga rua: Kei te hanga mātou i ngā hapori e pai ana te honohono, e tūhono ana, e oi ana hoki

E tūhonotia ai ngā takiwā, ka taea e te tangata ngā momo aratau ā-rohe rerekē, ka ea i ngā whare tino pai ngā wawata o tēnā, o tēnā, he taiao marutau e taurikura ai te tangata, e ora ai te tangata, e pai ai te noho o te tangata.

Whakaotinga toru: Te tiaki i tō tātou taiao me ngā taonga tuku iho mō ngā reanga whakaheke

Ka tiakina e te hapori whānui ngā taonga o te taiao, ngā taonga tuku iho, te whenua, ngā awa, ngā arawai, te whakapapa me ngā mataora o Māngere-Ōtāhuhu.

Whakaotinga whā: Te tiaki i tō tātou taiao me ngā taonga tuku iho mō ngā reanga whakaheke

He hapori hihiko, he hapori tautoko whānau tātou, ā, ka nui te mana o ngā ahurea rerekē, ngā whanaungatanga me te wairua auaha. Ka whakarewhia te mana o te iwi Māori me ngā iwi o Te Moana-nui-a-Kiwa, ā, ka pau te kaha kia whai hua ai te katoa.

Whakaotinga rima: Kei te tipu, kei te angitu ā tātou tamariki, rangatahi hoki

E taurikura ana ngā tamariki me ngā rangatahi, ā, e tūhonotia ai rātou ki ngā hapori. Ka whai reo kaha rātou, ka ora te tinana, ka ora te hinengaro, ka matua mōhio rātou he āpōpō taurikura ka taea.

Whakaotinga ono: Kei te puāwai, kei te whai wāhi tātou ki ngā hapori haumaru, hauora hoki

Ka kite i a koe e harikoa ana, e ora ana, e korikori ana, e noho ana ki ngā kāinga marutau me ngā wāhi tūmatanui haumaru, ā, ka whai wāhi koe ki ngā whiringa hapori kia pai kē atu a Māngere-Ōtāhuhu hei wāhi noho, hei wāhi mahi, hei wāhi ngahau.

Whakarāpopotohangā o ngā take pūtea

Ngā whiwhinga pūtea, whakapaunga pūtea, whakapaunga pūtea haumi o te Poari ā-Rohe o Māngaeere-Ōtāhuhumai i te 1 Hōngongoi 2020 ki te 30 Pipiri 2021.

Rārangi Tahua Pūtea ā-Tau	2020/21 (\$000)
Whiwhinga moni i ngā mahi whakahaere	
Ratonga hapori ā-rohe	1,310
Whakarautaki ā-rohe me ngā mahi whakawanake	-
Ratonga taiao ā-rohe	-
Mahi kāwana ā-rohe	-
Tataunga whiwhinga moni i ngā mahi whakahaere	1,310
Whakapaunga moni ki ngā mahi whakahaere	
Ratonga hapori ā-rohe	15,563
Whakarautaki ā-rohe me ngā mahi whakawanake	2,380
Ratonga taiao ā-rohe	1,029
Mahi kāwana ā-rohe	319
Tataunga whakapaunga moni ki ngā mahi whakahaere	19,291
More whakapaunga moni ki ngā mahi whakahaere	17,981
Whakapaunga pūtea tōpū	
Ratonga hapori ā-rohe	2,864
Whakarautaki ā-rohe me ngā mahi whakawanake	-
Ratonga taiao ā-rohe	-
Mahi kāwana ā-rohe	-
Tataunga whakapaunga pūtea tōpū	2,864

Ngā Mema o te Poari ā-Rohe o Māngere-Ōtāhuhu

	Ngā taipitopito hei toro atu ki ngā mema
	Heamana, Lemauga Lydia Sosene Waea: 021 287 2255 lemauga.sosene@aucklandcouncil.govt.nz
	Heamana Tuarua, Togiatolu Walter Togiamua Waea: 021 287 1122 walter.togiamua@aucklandcouncil.govt.nz
	Christine O'Brien Waea: 021 284 3333 christine.o'brien@aucklandcouncil.govt.nz
	Tauanu'u Nanai Nick Bakulich Waea: 021 835 820 nick.bakulich@aucklandcouncil.govt.nz
	Makalita Kolo Waea: 021 534 316 makalita.kolo@aucklandcouncil.govt.nz
	Anae Dr Neru Leavasa Waea: 021 192 5134 neru.leavasa@aucklandcouncil.govt.nz
	Harry Fatu Toleafoa Waea: 021 197 9937 harry.fatutoleafoa@aucklandcouncil.govt.nz



© 2020 Auckland Council
Auckland Council, Māngere-Ōtāhuhu Local Board

ISSN 2253-1084 (Print)
ISSN 2230-6714 (PDF)

Auckland Council disclaims any liability whatsoever in connection with any action taken
in reliance of this document for any error, deficiency, flaw or omission contained in it.